



Las chasas veglias ed il coc dal vitg sa gruppeschan enturn la baseglia entant che las chasas novas sa chattan perlung la via da la Tumleasta.

FOTOS: SUSI HAAS, WERNER ROTH, ARTHUR E. WIESER



En il Palaz Donat sa chattan la chanzlia communal ed ina part da la scola.

Il grond incendi da Seglias

DA JOHANN ULRICH SCHLEGEL

■ In dals pli gronds incendis da vischnanca en Svizra ha devastà avant 120 onns, ils 30 d'avrigl 1887, in dals pli bels vitgs da muntogna dal Grischun. L'autur anonim dal Chalender grischun da l'onn 1888 n'ha betg surfatg, cura ch'el ha numnà Seglias «in dals pli bels vitgs da muntogna dal Grischun».

Seglias, il vitg da muntogna situà sin l'agrebla autezza da 700 meters sur mar, è adina stà ina perla entadim la Tumleasta ed è quai senza dubi anc oz, er suenter divers culps dal destin. La Tumleasta che s'extenda quasi en ina lingia en direcziun nord-sid tranter Tusaun e Razén, ha in clima miaivel. En la largia planira da la Val regian cundiziuns idealas per la pumicultura. La posiziun geografica cun las vias da traffic stretgas e simplas da con-

adina puspè mussar qua lur pussanza. Quest fatg ha furmà in tip d'uman che ha emprendi d'ir enturn cun las lunas da la natira e dals conumans.

Experientscha cun culps dal destin

Tar ils culps dal destin tutgan d'ina vart las inundaziuns. La Nolla, l'aua dal vitg, ha tranter auter inundà durant las malauras dal 1585 cultira preziosa ed ha sdrappà davent grondas parts dal terren fritgivel. En il 18avel tschientaner è succedida gist sis catastrofes sumegliantas ed en il 19avel tschientaner tschintg. Plinavant è Seglias stà pertutgà da plirs incendis da vischnanca. Ils 23 d'avust 1849 hai ars l'emprima giada en il vitg. In giarsun tudestg aveva dà fieu intenziunadamain ord said da vendetga. Malgrà ch'il vent era calm ha il fieu ars cumplettamain 17 chasas. L'incendiari è vegnì truaà a la mort.

Auter èsi stà tar l'incendi catastrofal avant 120 onns, ils 30 d'avrigl 1887. Malgrà las relaziuns climaticas per il solit miaivlas, poi tuttenina dar fermes stemprads. Uschia èsi er capità quella dumengia suenter mezdi. La gasetta «Der freie Rhätier» aveva rapportà en sia ediziun da mardi, ils 2 da matg 1887 «ch'igl era in immens favugn».

Ins sto s'imaginar che da quel temp stgavadan e cuschinavan ils abitants cun laina. Ils fermes vents accelerà il current d'aria en ils chamins.

Nua è rut or il fieu?

Èsi stà la chasa dal cuntscapels Conrad? U ha il debachel cumenzà en la chasa vischina? Las perditgas han fatg constataziuns contradictorias. Ellas han raquintà d'avair vis sbrinzlas e ballinas da fieu ch'èn siglidas or d'in chamin. Ina perditga che sa chattava sin via ha observà curt suenter las 11.00 da mezdi las flommas sin il tetg da schlondas da la chasa dal cuntscapels. Las sbrinzlas stuevan esser siglidas da la chasa vischina vi sin quella. A medem temp è raivì il cuntscapels, sustegnì da ses vischins, sin il tetg da sia chasa per stizzar sulettamain cun ils chalzers las ballinas da fieu a prima vista nunprivlas. Qua è tuttenina vegnì fim or da

l'isch da la chasa dal cuntscapels. Aveva forse in chamin cumenzà ad arder? E sche gea, en tge chasa?

Anc durant ch'il fieu sa derasava, suspectava la gliעד già l'in u l'auter, ma las supposiziuns e cun ellas las cumprovas èn suenter paucas minutas idas si en flommas. Il ferm favugn chaschunava turnigs che midavan trasora direcziun. Abitants ch'eran vegnids natiers da tuttas varts per gidar, han stuì constatar entaifer paucas minutas ch'il stemprà sufflava las flommas sco in chametg era sin las chasas allontanadas. La dunna che ha vis sco emprima las flommas sin la chasa dal cuntscapels, ha stuì guardar tiers, cumbain ch'ella aveva festinà dad ir a chasa, co che sias atgnas quatter paraids eran già en fieu e flomma. «Ina dunna», uschia ha scrit «Der freie Rhätier», «è currida tar la funtauna per emplenir in pèr zaivers cun aua, cura ch'ella ha udì ch'i brischia da tschella vart dal vitg. Ma cura ch'ella è sa manada ed ha guardà en direcziun da si'atgna chasa, ardeva quella già.»

Entaifer in quart d'ura ardeva l'entir vitg. Ils pumpiers da Tusaun e da la fabrica Albula vischina, ina filantaria da mangola, èn vegnids en agid. In suenter l'auter han tut ils vitgs da la Tumleasta tramess lur pumpiers. Schizunt quels da la Mantogna èn vegnids natiers per sa gidar.

Pumpiers senza aua

Seglias disponiva d'ina lingia d'aua per da lez temp confortabla che manava vitiers aua da la Viamala. Forsa èsi stà pura negligentscha, forsà er la stagiun relativamain tempriva, ma las lingias d'aua n'eran anc betg vegnidas prendidas en funcziun quella primavaira. Las squittas ed ils uders eran avant maun, l'aua dentant mancava. Igl è vegnì uschè lunsch ch'ills uders èn ars e ch'ills pumpiers han stuì spenderar las squittas or da las flommas. En quella confusiun n'ha nagin pensà al lajet cun funtauna en il chastè, l'uschenumnada Chasa Donat u Palazzo. Cura ch'ins ha finalmain tratg a niz quest'aua, era l'inferno già uschè grond, ch'ills pumpiers han stuì sa retrair da questa funtauna pervi da la chalira.

Suenter mezdi a las trais era destrui quasi l'entir vitg cun sias radund 70 chasas. Var 600 abitants ed abitants avevan pers lur entir possess ed eran senza tetg. Blers avevan bandunà lur chasas pir il davos mument, spenderar n'han els pudì quasi nagut. Intginas persunas han ils pumpiers schizunt stuì strair cun forza or da lur chasas. Uschia per exempel er il telegrafist che ha tramess enfin la fin telegrams a Cuira. Ina dunna è siglida l'ultima secunda or da la segunda auzada ed ha blessà uschè fermamain la spina dorsala ch'ella è stada paralizada. Las funtaunas rapportan a moda vaira saloppa d'ina «dunna tuppa» che saja arsa en las flommas. L'unfrenda era però apparentamain surdmitta ed aveva realisà memia tard il privel. In um vegl mal-saun che duvrava agid han ins anc pudì spenderar or da l'incendi. Ma el n'ha betg survivi il grond strapatschs. Bundant in tozzel umens aveva fermas arsentadas da la pel. Cunquai che la gronda part dal muvel sa chattava sin la pastgira hai dà relativamain paucas sperditas d'animals. In tozzel pors, pliras nursas, ina vatga e numerusas giaglinas èn vegnidas per la vita en las flommas.

Moda da construir malponderada?

Pertege ha l'incendi da quella giada gi consequenzas uschè catastrofalas? Las chasas eran quasi tuttas construidas da crap. Ma da quellas avevan er bunamain tuttas in tetg da schlondas, e quels han manà a la catastrofa. Sis chasas han ils pumpiers numnadamain pudì salvar. E quellas avevan tuttas in tetg da quadrels. Per il Palazzo è il privel stà il pli pitschen. Quel ha silsuenter er dà albiert a numerusas per-

sonas che avevan pers lur dachasa. Las ulteriuras persunas èn vegnidas piazzadas en las vischnancas vischinas. Sulettamain Tusaun ha dà ricover ad 80 persunas.

Cuntrari ad ozendi avevan ils abitants da Seglias strusch assicurà lur mobiglia e lur ulteriur possess. Blers na disponivan gnanc d'ina assicuranza d'edifizis. Il cronist en il Chalender grischun dal 1888 ha sin quai intimà ses lecturs da pagar las premias bassas per betg stuir viver en cumpletta paupradad, en il cas che lur vitg vegniss er tutgà d'in tal culp dal destin.

Seglias fa part dal circulo da la Tumleasta, che tutga tar il district dal Rain posteriur. Il vitg sa chatta a la lingia da la Viafer retica da Cuira a San Murezzan, è dapi curt però collià cun ina lingia d'auto da posta cun la chapitala dal circulo, Tusaun. L'antieriura staziun da Seglias n'è oz betg pli en funcziun.

Il Palazzo, che n'è betg stà pertutgà da l'incendi dal 1887, ha la vischnanca cumprà anc il medem onn ed el serva oz sco sedia per l'administraziun communal.

Fin il 19avel tschientaner discurreva ina gronda part da las abitants e dals abitants da Seglias er rumantsch. Ma già il 1900 devi main che 10% persunas da lingua rumantscha, las qualas eran dal remiment tratgas natiers. L'onn 1920 na discurreva nagin pli rumantsch a Seglias. Pli baud eran immigrads sulettamain ils Rumantschs a Seglias, entant che oz vivan er Talians e Serbs là. 3,3% da la populaziun discurreva serb e 2,8% talian. La lingua uffiziala è il tudestg. Il 2005 dumbrava la vischnanca 854 abitants ed abitants, 749 da quels eran Svizzers. La vischnanca cumpiglia ina surfatscha considerabla da stgars 10 kilometers quadrat. Sper l'agricultura dispona il vitg er da divers implants electricis.




Las squittas da pumpiers a l'entschatta dal 19avel tschientaner eran simplas e savens da lain. L'aua stuev'ins derscher cun sadellas en ina trucla per pudair sprizzar quella sin il fieu. Las squittas stuev'ins piazzar manivel al fieu uschia che quellas brischavan magari.

BIBLIOTECA CENTRALA LUCERNA

trollar ha purtà a la Tumleasta il record e la reputaziun sco regiun cun ils pli blers chastels en tut l'Europa. Seglias sa chatta endadim la Tumleasta, nua ch'ella fine-scha andetgamain cun la chavorgia da la Viamala ch'è renumada en l'entir mund ed è stada durant tschientaners difficila da traversar. Quest vitg sa chatta sper in'ulteriura chavorgia selvadia e stretga ch'è medemamain stada durant tschientaners grevamain transibla, la chavorgia dal Meir. Sulettamain enturn Seglias parade-schan quatter chastels e chastels-fortezza: il legendar chastè da Munt Son Gion/Reziòlta, il chastè da Balenstein, Campi e d'Ehrensfels.

Ins na dastga dentant betg sa laschar cugliunar da la bellezza da la contrada, dal clima miaivel e da la posiziun apparentamain protegida en in fop circumdà d'auas paraids-crap e dies da muntogna. Las forzas las pli selvadias, tant dal puntg da vista istoric – tras il grond dumber da chastels – sco er geografic-climatic, pon



Per incendiariis u incendiarias era previ la paina da mort. Quà vegnan gist 19 strias brischadas sin il schaffot per lur malfatgs (Genevra 1571).

BIBLIOTECA CENTRALA TURIG



L'imposant chastè Ehrenfels surve-scha sco albiert per juvenils.